

Թամանեանը իր օգնականներով: Կուսակցութիւնները բաց էին թողել բոլրակները դաւաճանութիւնը դատափետող և Միացեալ ու Անկախ Հայաստանի անկախութիւնը ջատագովող թուղիկներ:

Հայաստանի զանազան կողմերից եկել էին բազմաթիւ պատգամաւորութիւններ: Ժողովրդական կուսակցութեան Կենտր. Կոմիտէն թիֆլիսից Երևան էր ուղարկել Սամ. Յարութիւնեանին և Լէօին՝ անկախութեան հանդիսաւորութիւններին ներկայ գտնելու համար: Մասնակցում էր և Ամենայն Հայոց Կաթողիկոսը:

Արհեստակցական Միութիւնների Միութիւնը, դպրոցները, որբանոցները, անհաշիւ բազմութիւն գիւղերից ու քաղաքից՝ վաղ առաւօտանից լեցրել էին փողոցները: Առաւօտեան հանրապետական մաղթանքից ու գորահանդէսից յետոյ տեղի ունեցաւ գործասերի շքերթը. հետևակ շարքերը, այրուձին, հրետանին՝ խլելով ներկաների ցնծազին ծափահարութիւնները: Ապա անցան արհեստակցական միութիւնները իրենց դրօշակներով ու նշաններով, բոյ-սկաւտները, աշակերտները, որբերը, գիւղացիական խմբերը: Մէջ ընդ մէջ շարժում էին բեռնակիր ինքնաշարժներ զանազան խորհրդանշաններով, թրակտորներ, գիւղական սայլեր, գութաններ, կենդանի պատկերներ:

Մինչև ուշ գիշեր քաղաքը հրճանքի մէջ էր: Երկոյեան՝ հրավառութիւն: Յերեկը գիմնադրայի նոր շէնքի ընդարձակ և ճաշակով դարդարած սրահում տեղի ունեցաւ հրապարակային ժողով-հանդէս, որին հրաւիրած էին օտար պետութեանց ներկայացուցիչները, կառավարութեան և Խորհրդարանի անդամները, բարձր հրամանատարութիւնը, բազմաթիւ պատկերակուցիչներ ու պետական-հասարակական գործիչներ: Երեկոյեան նոյն սրահում կազմակերպուեց դրական-երաժշտական շքեղ երեկոյթ:

Փառահեղ հանդէսներ կատարուեցին և դաւաճներում: Ալեքսանդրապոլում, բազմահազար ժողովուրդը, համքարութիւնները, կազմակերպւած բանւորութիւնն ու գիւղացիութիւնը մեծ խանդավառութեամբ տօնեց անկախութեան տարեդարձը: Քաղաքը ամբողջ դարդարած էր եռադոյն դրօշակներով, գորգերով, կանաչով ու պատշաճ նշանաբաններով: Հսկայ թափօրը կայարանից, կտրելով քաղաքը, անցաւ կանգնեց քաղաքային ինքնավարութեան շէնքի առջև, ապա դիմեց դէպի նահանգապետարանը, Հ. Յ. Գալստիակցութեան ակումբը: Այստեղից շարժուեց Կազաչի Պոստ, ուր սպասում էր գինւորութիւնը: Այստեղ Գարեգին եպ.՝ը կատարեց հանդիսաւոր մաղթանք, որից յետոյ տեղի ունեցան գորահանդէս և բոյ-սկաւտական խաղեր: Թափօրի ժամանակ ընդհանուր ուշադրութեան և խանդավառ ծափերի առարկայ էր Մայր Հայաստանը խորհրդանշող ինքնաշարժը — Հայաստանը ներկայացնող մի օրիորդ, սուրը ձեռքին կանգնած, կողքին՝ հրացանաւոր հայուկ, մէջտեղը՝ կուսակցական ձեռքին մի դարբին՝ սալի առջև գութանը կոփելիս: Մայր Հայաստանի յետևից գնում էին գիւղացիներ՝ երեք լուծ եղով գութանը առջևից, հոռովելի երգով: Ապա հետևում էր